

Adroddiad i'r:	Cyngor Sir
Dyddiad y Cyfarfod:	2 Gorffennaf 2019
Aelod / Swyddog Arweiniol:	Y Cyngorydd Julian Thompson Hill, Aelod Arweiniol Cyllid, y Cynllun Corfforaethol a Pherfformiad / Alan Smith, Pennaeth Gwella a Moderneiddio Busnes
Awdur yr Adroddiad:	Iolo McGregor, Arweinydd y Tîm Cynllunio Strategol a Pherfformiad
Teitl:	Adolygiad Perfformiad Blynyddol 2018-19

1. Am beth mae'r adroddiad yn sôn?

- 1.1 Mae'r adroddiad yn cyd-fynd ag Adolygiad Perfformiad Blynyddol drafft y Cyngor ar gyfer 2018 – 19, y mae'n rhaid i'r Cyngor ei gyhoeddi erbyn 31 Hydref bob blwyddyn o dan Fesur Llywodraeth Leol (Cymru) 2009.
- 1.2 Fel arfer dim ond adroddiad cynnydd Chwarter 4 a gyflwynir ar yr adeg hon o'r flwyddyn. Fodd bynnag, gyda newidiadau i'r ffordd yr adroddir am fesuryddion cenedlaethol, penderfynwyd dod â'r Adolygiad Perfformiad Blynyddol ymlaen mewn ymgais i gyflwyno gwybodaeth fwy cyfredol i Aelodau a Swyddogion. Bydd mesuryddion cenedlaethol yn cael eu hadrodd amdanynt ar wahân fel byddant yn dod ar gael.
- 1.3 Yn ogystal â darparu diweddariad chwarter 4/ diwedd y flwyddyn ar ddarpariaeth Cynllun Corfforaethol 2017-2022, amlygir prosiectau penodol i'w darparu yn 2019-20 hefyd, oedd yn ffurfio rhan o'n Dogfen Gyflawni Flynyddol yn flaenorol.
- 1.4 Mae'r Adolygiad Perfformiad Blynyddol hefyd yn cynnwys astudiaethau achos ac enghreifftiau o gynnydd yn erbyn ein blaenoriaethau corfforaethol o bortffolio ehangach y Cyngor (h.y. nid yw o reidrwydd yn gyfyngedig i brosiectau'r Cynllun Corfforaethol). Mae hyn yn cydnabod bod gwasanaethau yn gwneud gwaith pwysig y tu allan i'r Cynllun Corfforaethol sydd o fudd i drigolion.

2. Beth yw'r rheswm dros lunio'r adroddiad hwn?

- 2.1 Darparu gwybodaeth am gynnydd y Cyngor ar ddiwedd chwarter 4, 2018 - 2019 mewn perthynas â chyflawni amcanion y Cynllun Corfforaethol.
- 2.2 Rhoi gwybod i aelodau am brosiectau'r Cynllun Corfforaethol y bwriedir eu cyflawni yn 2019-20, y mae'n rhaid i'r Cyngor ei gyhoeddi i fodloni ei ddyletswydd gwella o dan Fesur Llywodraeth Leol (Cymru) 2009.
- 2.3 Mae adrodd yn ôl yn rheolaidd yn un o ofynion monitro angenrheidiol y Cynllun Corfforaethol er mwyn sicrhau bod y Cyngor yn gweithredu ei ddyletswydd i wella.

Rydym yn monitro ein perfformiad yn rheolaidd ac yn cyflwyno adroddiadau bob chwarter blwyddyn i gyfarfodydd y Pwyllgor Craffu a'r Cabinet ac yn llunio Adolygiad Perfformiad Blynyddol i werthuso cynnydd.

2.4 Mae'n rhaid gwneud penderfyniad ynghylch cymeradwyo Adolygiad Perfformiad Blynyddol 2018-19.

3. Beth yw'r Argymhellion?

Argymhellir, yn amodol ar unrhyw newidiadau cytunedig, bod y Cyngor yn cymeradwyo Adolygiad Perfformiad Blynyddol 2018-19.

4. Manylion yr adroddiad

4.1 Mae Cynllun Corfforaethol y Cyngor 2017-2022 yn gosod y cyfeiriad strategol i'r cyngor a'i flaenoriaethau dros y cyfnod o bum mlynedd. Nodir y manylion ynglŷn â'r hyn mae'r Cyngor yn bwriadu ei wneud bob blwyddyn i geisio cyflawni'r blaenoriaethau hyn yn y cynlluniau gwasanaeth blynyddol. Mae'r gweithgareddau yn deillio o Gynlluniau Gwasanaethau a Rhaglenni. Bydd cynnydd yn cael ei adrodd i'r Pwyllgor Archwilio Perfformiad a'r Cabinet drwy ein Hadroddiadau Perfformiad Chwarterol.

4.2 Mae'r Adroddiad Perfformiad Blynyddol hwn yn darparu gwerthusiad ôl-weithredol o lwyddiant y Cyngor wrth gyflawni yn erbyn y cynlluniau hyn yn ystod 2018-19, a p'un ai yw'r Cyngor wedi llwyddo i wneud trefniadau i sicrhau gwelliannau parhaus. Mae hefyd yn edrych ymlaen at beth fydd yn cael ei gyflawni yn 2019-20.

4.3 Mae Atodiad I yn cynnwys naratif am gynnydd o ran darparu ein blaenoriaethau corfforaethol, gan gynnwys y statws presennol a chynnydd y rhaglen. Mae astudiaethau achos, a gwybodaeth am ddatblygu cynaliadwy ac amrywiaeth a chydaddoldeb hefyd wedi'u cynnwys yn isadran pob blaenoriaeth gorfforaethol. Mae'r Gofrestr Prosiectau Corfforaethol, y Gofrestr Risg Gorfforaethol a Fframwaith Rheoli Perfformiad y Cynllun Corfforaethol yng nghefn y ddogfen. Mae'r olaf yn rhoi sefyllfa chwarter 4 / y sefyllfa flynyddol ar gyfer 2018-19.

5. Sut mae'r penderfyniad yn cyfrannu at y Blaenoriaethau Corfforaethol?

Mae'r Adolygiad Perfformiad Blynyddol yn cynnwys gwerthusiad o lwyddiant y Cyngor o ran y blaenoriaethau corfforaethol.

6. Faint fydd yn ei gostio a sut fydd yn effeithio ar wasanaethau eraill?

Nid oes cost yn gysylltiedig â'r penderfyniad hwn. Wedi cytuno ar yr argymhelliad hwn, bydd y ddogfen yn cael ei chyfieithu a'i rhoi ar-lein, a bydd datganiad i'r wasg yn cael ei ryddhau yn rhoi gwybod i bobl bod y ddogfen wedi'i chyhoeddi, a'i lleoliad.

7. Beth yw prif gasgliadau'r Asesiad o'r Effaith ar Les?

Nid oes angen Asesiad o Effaith ar Les ar gyfer yr adroddiad hwn. Mae'r adroddiad hwn yn darparu gwerthusiad ôl-weithredol o berfformiad y Cyngor ac nid yw'r penderfyniad i gymeradwyo'r adroddiad yn effeithio ar bobl sydd â nodweddion a ddiogelir. Cynhaliwyd Asesiad o Effaith ar Les ar y Cynllun Corfforaethol, a chafodd ei gyflwyno i'r Cyngor Sir pan gymeradwywyd y cynllun ym mis Hydref 2017.

8. Pa ymgynghoriadau a gynhaliwyd gyda Chraffu ac eraill?

Mae'r adroddiad wedi'i ddatblygu gan y Tîm Cynllunio Strategol, mewn ymgynghoriad â gwasanaethau eraill y cyngor. Mae'r wybodaeth ynglŷn â pherfformiad sy'n cael ei chynnwys o fewn y ddogfen wedi ei darparu gan wasanaethau, ac mae wedi ei chymryd o'r system reoli perfformiad Verto. Ymgynghorwyd â'r Uwch Dîm Arweinyddiaeth (SLT), y Pwyllgor Craffu Perfformiad a'r Cabinet cyn cyflwyno'r adroddiad i'r Cyngor Sir i'w gymeradwyo.

9. Datganiad y Prif Swyddog Cyllid

Nid oes goblygiadau ariannol arwyddocaol o ganlyniad i'r adroddiad hwn.

10. Pa risgiau sydd ac oes unrhyw beth y gallwn ei wneud i'w lleihau?

Byddai methu cyhoeddi'r Adolygiad Blynyddol erbyn 31 Hydref yn debygol o arwain at argymhellion statudol gan Swyddfa Archwilio Cymru, gyda goblygiadau sylweddol i enw da'r Cyngor.

11. Pŵer i wneud y Penderfyniad

Mae'r Cynllun Corfforaethol a'r Adolygiad Perfformiad Blynyddol yn elfennau allweddol o Raglen Cymru ar gyfer Gwella (2010), sy'n cael ei chefnogi gan ofynion statudol Deddf Llywodraeth Leol 1999 a Mesur Llywodraeth Leol (Cymru) 2009.